

ԹԱՏԵՐԱԿԱՆ ԿՅԱՆՔ

ՌՈՐԵՐՏ ՄՏՈՒՐՈՒՄՅԻ «ՊՐՈՄԵԹԵՎՍԸ ՀՂԹԱՅՎԱԾ» ՆԵՐԿԱՅԱՅՄԱՄԲ ԲԱՅՎԵՅ ՌՈՒՄԹԱՎԵԼՈՒ ԹԱՏՐՈՆԻ 145-ՐԴ ԹԱՏԵՐԱՇՐՋԱՆԸ

Թբիլիսիի Շոթա Ռուսթավելու անվան պետական ազգային թատրոնում ներկայացվեց թատրոնի գեղարվեստական ղեկավար Ռոբերտ Ստուրայի կողմից բեմադրված ամսիկ Յու. Մաստանի դրամատուրգ, ռոբերտության հայր համարվող Էսքիլեսի «Պրոմեթեոսը շղթայված» ներկայացման երկրորդ դրվագի առաջնախաղը:

Պրեմիերային ներկա էր Վրաստանի մշակույթի, սպորտի եւ երիտասարդության նախարար Թեա Ծուլուկիանին:

Էսքիլեսը Պրոմեթեոսի մասին գրել է երեք պիես, թեւ մեր ժամանակներին է հասել միայն մեկը՝ «Պրոմեթեոսը շղթայված»: Էսքիլեսի այս պիեսում Պրոմեթեոսը պայքարում է մարդկության փրկության համար: Ձեւը պատժում է Պրոմեթեոսին, թեւ նա շարունակում էր հերոսական պայքարը, չէր հնազանդվում եւ հաղթահարում էր բոլոր արգելքները: Պիեսի երկրորդ դրվագում ներկայացված է օվկիանոսների աստվածության եւ Պրոմեթեոսի հանդիպումը: «Պրոմեթեոսը շղթայվածը» ռոբերտություն է: Հանդիսատեսը Ռուսթավելու թատրոնում արդեն դիտել է ներկայացման առաջին դրվագը, որը աշխարհահռչակ ռեժիսորը բեմադրել էր Վրաստանի մշակույթի նախարարության աջակցությամբ: Հենց այդ ներկայացմամբ էլ բացվեց Ռուսթավելու թատրոնի 145-րդ թատերաշրջանը: Վրաստանի մշակույթի, սպորտի եւ երիտասարդության նա-



խարար Թեա Ծուլուկիանին շնորհավորեց վրաց հանրահայտ ռեժիսորին ու Ռուսթավելու թատերախմբին՝ եւս մի հաջող առաջնախաղի կապակցությամբ եւ նրանց մաղթեց ստեղծագործական արգասաբեր գործունեություն:

ՄԻՄՈՆ ԿԻԼԱՉԵ

ԳՈՐԻՍԻ ԹԱՏՐՈՆԻ ՀՅՈՒՐԱՆԱՐԸ ՌՈՒՄԹԱՎԵԼՈՒ ԱՆՎԱՆ ԹԱՏՐՈՆՈՒՄ

Նոյեմբերի 27-ին, ժամը՝ 19:00-ին, Թբիլիսիի Շոթա Ռուսթավելու անվան ազգային թատրոնի էքսպերիմենտալ դահլիճում, մեկ ներկայացումով հանդես կգա Հայաստանի Գորիս քաղաքի Վաղարշ Վաղարշյանի անվան պետական դրամատիկական թատրոնը, որը հանդիսատեսի դատին կհանձնի արդի դրամատուրգ Սամվել Խալաթյանի «Վերջին ծաղրածուն» մեկ գործողությամբ տրագիկոմեդիան: Բեմադրող ռեժիսորը Երեւանի Հ. Պարոնյանի անվան թատրոնի գեղարվեստական ղեկավար Հակոբ Ղազանչյանն է, իսկ երաժշտական ծնւավորումը՝ Վահե Հայրապետյանին: Մուտքը հրավիրատուններով է:

ԱՆՆԱ ՍԱՐԻԲԵԿՅԱՆ



ԳՐԱԿԱՆ ԿՄԴԵՐ

ՂԱԹՈ ՄԱՂՐԱՋԵԻՆ ՄԵԾԱՐԵՅԻՆ ՄԵՐՎԱՆՏԵՍԻ ՀԱՅՐԵՆԻՔՈՒՄ



- Իմ երախտիքն եմ հայտնում բոլոր նրանց, ովքեր մտածեցին եւ իրականացրին այս միջոցառումը,- այդ մասին հայտարարեց վրաց բանաստեղծ Դաթո Մաղրաձեն Մաղրիդուն Սերվանտեսի ինստիտուտում անցկացված նրա ստեղծագործական երեկոյի եւ պարգևատրման կապակցությամբ:

- Ի՞նչ կարող էր լինել առավել ոգեւորիչ, քան այն. երբ Սերվանտեսի ինստիտուտում իր մեղալով ճանաչում է շնորհում այն

մարդկանց, ովքեր, ինստիտուտի կարծիքով, արժանի են դրան: Կարծում եմ, որ այս պարգևը վրաց հանրության ճանաչումն է, հայտարարեց վրաց բանաստեղծը:

Նշենք, որ Դաթո Մաղրաձեն 90-ական թվականներին Վրաստանի մշակույթի նախարարն էր, բանաստեղծությունների երեք տասնյակից ավելի ժողովածուների հեղինակ, միջազգային գրական տարբեր մրցանակների դափնեկիր, Վրաստանի ներկայիս պետական օրհներգի բառերի հեղինակը:

ՀԱՆԴԻՊՈՒՄ ԹԲԻԼԻՍԻՈՒՄ ԳՐԱԿԱՆ ՄՐՃԱՐԱՆԻ ՄԹՆՈԼՈՐՏՈՒՄ

Թբիլիսիի Սոլուակ թաղամասում, «Էզո» սրճարանի տարածքում, տեղի ունեցավ «Սրճարան Եվրոպայում» ծրագրի գրական հանդիպումը:

Վրացի, հայ, լեհ, ուկրաինացի եւ բելառուս գրողներն ու բանաստեղծները ներկայացրին իրենց ստեղծագործություններին, մտքերով կիսվեցին միմյանց հետ: Մասնակիցների թվում էին Լուսինե Խառատյանն ու Հայաստանի «Պեն-կլուբի» նախագահ Արմեն Օհանյանը:

Միջոցառումը բացեց Թբիլիսիում անցկացված հանդիպման կազմակերպիչներից մեկը՝ բանասեր, քաղաքագետ Մեդեա Մետրեւելին:

Հանդիպումն անցավ գրական սրճարանի մթնոլորտում, որտեղ սեղանների շուրջ նստած ունկնդիրները լսեցին պոեզիայի ընթերցումներ, կենդա-



նի երաժշտության ուղեկցությամբ ունկնդրեցին գեղարվեստական մանրիշեստներ:

Շարժական գրական «Սրճարան Եվրոպայի» գաղափարը ծնվել է լեհական «Pogranice» հիմնադրամում՝ ի պատասխան քննարկման տարածք ստեղծելու անհրաժեշտության գրողների, արվեստագետների համար, ովքեր ստեղծագործական համագործակցության եւ գաղափարների փոխանակման կարիք ունեն, ովքեր աշխատում են ընթացիկ թեմաներով:

ՑՈՒՑԱՅԱՆԴԵՍ

ԻՌԵՆԱ ՕԶԱՆՋԱՆՈՎԱՅԻ ԵՐԱՋՆԵՐԸ` ԹԲԻԼԻՍԻԻ ՄԱՍԻՆ

«Թբիլիսյան երազներ եւ կամ երազներ Թբիլիսիի մասին». այսպես է կոչվում թբիլիսահայ ճանաչում ու հեղինակություն վայելող, հայտնի նկարչուհու՝ Իռենա Օհանջանովայի անհատական ցուցահանդեսը, որը բացվել է Թբիլիսիի Hermit space (առանձին տարածք) պատկերասրահում: Մեկփշկվիլու 20 հասցեում, նախկին գինու գործարանում:

«Վրաստանի» հետ գրույցում Իռենան խոստովանում է, որ նման արձագանք ու ջերմություն ծանոթ-անծանոթի կողմից արդարեւ չէր ակնկալում: Մասնավաճ ուր, ցուցահանդեսը չի զովագրվել կամ զովագրվում զանգվածային լրատվամիջոցներով եւ նույն համեստությամբ անցել է բացման արարողությունը եւս:

- Համեստ, նկատի ունեմ առանց ելույթների եւ կամ իմ արվեստի ներկայացման: Պատկերասրահն անասելի մարդաշատ էր, առայսօր ֆեյսբուքյան իմ էջը լցվում ու լցվում է այցելուների տպավորություններով, մեկնաբանություններով ու նաեւ թբիլիսյան կոլորիտը, հիշողությունները, առանձնահատկությունն ապրելու, վայելելու ու զգալու առիթը բաց չթողնելու կոչերով: Առավել քան հաճելի է, ոգեւորող, երջանկացնող...

Ցուցահանդեսին ներկայացված է նկարչուհու 63 կտավ, որոնց մի մասն արդեն իսկ մասնավոր հավաքածուներից է բերված: Իռենան Թբիլիսիից է, ավարտել է տեղի Գեղարվեստից ակադեմիան, Վրաստանի նկարիչների միության անդամ է, ցուցադրվել է տարբեր երկրներում, հարթել իր ճանապարհը, արժանացել՝ մեծ արվեստագետների բարձր գնահատականի, թեւ անհատական ցուցահանդեսով ներկայանում է առաջին անգամ: Նրա ձեռագիրն առանձնանում է գունային մգության խորհրդավոր ու առեղծվածային պայծառությամբ, որը ռեալիզմի, ռոմանտիզմի ու սյուրռեալիզմի ժանրային ռճերում պատկերում է XIX - XX դարերի անգուգական Թիֆլիսի բարձր, կենցաղը:

Իռենա Օհանջանովան հենց այն գործիչն է, ում անվա-



նում են ի բնե արվեստագետ: Նա նաեւ մեծ արժեք ներկայացնող նախագծի հեղինակ է, որի շրջանակներում լույս են տեսել «Վրաստանի հայ նկարիչները. Հակոբ Հովսեփյան» շարքը:

«Խոստովանություն. ես՝ Սերգո Փարաջանովը» ներկայացումը նվիրված էր Սերգո Փարաջանովի ծննդյան 100-ամյակին:

Լուսանկարը՝ Յուրի Ակուլյանի

ԳԱՅԱՆԵ ԲՈՍԱՆՋՅԱՆ

ՌԻՍԱՆՈՐԱԿԱՆ ԿՅԱՆՔ

«ԱԼԻԶ ՄԵՂԻԱ»-Ն ԹԲԻԼԻՍԻԻ ՌԻՍԱՆՈՐԱՆԵՐԻ ՀԱՄԱՐ ՂԱՄԸՆԹԱՅ ԱՆՅՎԱՋՐԵՅ



«Ալիք Մեղիա»-ն Թբիլիսիի բուհերում սովորող վրացահայ ուսանողների համար դասընթաց անցկացրեց «1+4» ծրագրում ներգրավված եթնիկ հայ կանանց աշխատանքային փորձը՝ ֆեմինիզմի տեսանկյունից» նախագծի շրջանակներում:

Թրեյնինգը վարում էր որակավորված դասընթացավար Քեթի Մուրդուխան:

Մասնակիցները տեղեկություններ ստացան այնպիսի հարցերի շուրջ, ինչպիսիք են եթնիկ փոքրամասնությունների աշխատանքի տեղավորման վերլուծությունը, նրանց աշխատանքի տեղավորման արդյունավետ մեխանիզմների ուսումնասիրությունը: Թրեյնինգի ընթացքում քննարկվեցին «1+4» ծրագրի դրական ու բացասական կողմերը:

Տեղեկատվական հանդիպումը տեղի ունեցավ կիրակի օրը՝ նոյեմբերի 12-ին, «Mercure Tbilisi Old Town» հյուրանոցում:

ՏԱԹԵՎ ԽՈՅԱՆՅԱՆ
«Ալիք Մեղիայի» թղթակից

ՆՈՅԵՄԲԵՐԻ 16-Ը ՀԱՆՂՈՒԹՅԱՆ ՄԻՋԱԶԳԱՅԻՆ ՕՐ

ԸՆԴՀԱՆՈՒՐ ԴՐՈՒՄ ԻՐԻՆԱ ԺԱՄԿՈՉՅԱՆԻՆ

«ՀԱՆՂՈՒԹՅԱՆ ՄԻՋԱԶԳԱՅԻՆ ԱԶԿԻՑ» ԳԼԽԱՎՈՐ ՊԱՐԳԵՎԸ՝
ԴԻՄԻՏՐԻՈՍ ԿԱՐԱԲԱԼԻՍԻՆ

(Սկիզբը՝ 1-ին էջում)

Ելույթ ունեցան նաև թբիլիսիի սակրեբուլոյի «Վրացական երազանքի» խմբակցության նախագահի տեղակալ Նինո Ռուխաձեն, սակրեբուլոյի պատգամավոր Մարիամ Զաքարիաշվիլին, սակրեբուլոյին առընթեր ազգային փոքրամասնությունների համակարգող խորհրդի նախագահ Ռիտա Խիդարբեգաշվիլին:

Միջոցառման շրջանակներում, մշակութային հարաբերությունների և քաղաքացիական հասարակության հզորացման գործում ներդրած նշանակալից ավանդի համար, մի շարք քաղաքացիներ պարգևատրվեցին սակրեբուլոյի շնորհակալագրերով: Երիտասարդ սերնդի դաստիարակության եւ հանդուրժողականության սերմանման մեջ ունեցած առանձնահատուկ ներդրման համար շնորհակալագիր տրվեց թբիլիսիի թիվ 104 հանրային դպրոցի տնօրեն Իրինա Ժամկոչյանին:

Նոյեմբերի 16-ին Վրաստանի ժողովրդական պաշտպանին առընթեր հանդուրժողականության կենտրոնի եւ Վրաստանում ՄԱԿ-ի ասոցիացիայի կողմից եւս անցկացվեց միջոցառում, նվիրված «Հանդուրժողականության միջազգային օրվան»:

Միջոցառմանը խոսքով ելույթ ունեցան ժողովրդական պաշտպան Լեւոն Իոսելիանին, ժողովրդավարության, իրավունքների եւ կառավարման գրասենյակի USAID-



Վրաստանի ներկայացուցիչ Թամար Սիրբիլաձեն, հանդուրժողականության կենտրոնի ղեկավար Բեքա Մինդիաշվիլին, Վրաստանում փրկության բանակի ներկայացուցիչ Ռեզո Բախտաձեն, Վրաստանի ժողովրդական պաշտպանին առընթեր ազգային փոքրամասնությունների խորհրդի անդամներ Մարի Առաքելովան, Գիորգի Թումաշյանը:

Միջոցառմանը ավանդաբար անցկացվեց հանդուրժողականության աջակիցների պարգևատրման արարողությունը:

Ազգային փոքրամասնությունների խորհրդի կողմից հանդուրժողականության աջակցի մրցանակը հանձնվեց Վրաստանում եվ-

րամիության դիտորդական առաքելության ղեկավար Դիմիտրիոս Կարաբալիսին, կրոնական խորհրդի մրցանակը՝ կրոնական ազատության հետազոտող, Վրաստանի համալսարանի դասախոս Լեւոն Մետրեելուն, իսկ հանդուրժողականության կենտրոնի մրցանակին արժանացավ թբիլիսիի որմնակարների փառատոնի (Մուրալ Ֆեստիվալ) կազմակերպիչ եւ հիմնադիր Բեսո Մազիաշվիլին, ով

2023 թվականին մեծ ծավալի աշխատանքներ է իրականացրել քաղաքում, հանդուրժողականության միջավայրի ստեղծման ուղղությամբ:

Միջոցառմանը ներկա էին Վրաստանի խորհրդարանի, կառավարության եւ պետական գերատեսչությունների, ինչպես նաև Վրաստանում հավատարմագրված դեսպանությունների, միջազգային եւ տեղական ոչ կառավարական կազմակերպությունների ներկայացուցիչներ:

Վրաստանում հանդուրժողականության միջազգային օրն անցկացվեց ԱՄՆ-ի միջազգային զարգացման գործակալության «Միասնությունը բազմերանգության մեջ է» ծրագրի աջակցությամբ:

ՀՅՈՒՐԸՆԿԱԼՈՒԹՅՈՒՆ ՎԻՐԱՀԱՅՈՑ ԹԵՄՈՒՄ

Նոյեմբերի 16-ին՝ «Հանդուրժողականության միջազգային օրը» առանձնահատուկ նշվեց Հայ Առաքելական Սուրբ եկեղեցու Վիրահայոց թեմում: Վիրահայոց թեմի առաջնորդը հյուրընկալեց Վրաստանի տարբեր կրոնական կազմակերպությունների ղեկավարներին ու ներկայացուցիչներին: Ներկայացված էին Վրաստանում գործող 14 կրոնական կազմակերպություններ:



Թբիլիսիի Հավաքարի Սուրբ Էջմիածին եկեղեցում շրջայց կատարելուց հետո, հյուրերը Վրաստանի կրոնի հարցերով պետական գործակալության նախագահ Զաքա Վաշադմաձեի գլխավորությամբ հյուրընկալվեցին թեմի «Հայարտուն» կենտրոնում:

Միջոցառմանը ներկա էին Վրաց Ուղղափառ եկեղեցու, մուսուլմանական վարչության, եբրայական թեմի, եզդիական հոգեւոր խորհրդի, Վրաստանի Ավետարանչական-բողոքական եկեղեցու, Վրաստանի Ավետարանչական դավանանքի եկեղեցու, լատինական-կաթոլիկական վարչության, Վրաստանի Ավետարանչական-լութերական եկեղեցու, Թբիլիսիի միջազգային մկրտական եկեղեցիների միության, Փրկության բանակի, 7-րդ օրվա աղվեստիստների եւ այլ դավանանքների առաջնորդներն ու ներկայացուցիչները: Ներկա էր նաև Սամցխե-Ջավախեթի եւ Ծալկայի ընդհանուր առաջնորդական փոխանորդ Տեր Նշան վարդապետ Հմայակյանը:

Միջոցառմանը ելույթ ունեցան Վիրահայոց թեմի առաջնորդ Տեր Կիրակոս Եպիսկոպոս Դավթյանը, Վրաստանի կրոնի հարցերով պետական գործակալության նախագահ Զաքա Վաշադմաձեն, տարբեր կրոնական ուղղությունների ներկայացուցիչներ:

ՀԱՐՑՈՒՄ

«ՎՐԱՑԱԿԱՆ ԵՐԱՋԱՆՔԸ» ԲՆԱԿՉՈՒԹՅԱՆ ԿՈՂՄԻՑ ՎՍՏԱՀՈՒԹՅԱՆ ՏԵՍԱՆԿՅՈՒՆԻՑ ԿՐԿՆԱԿԻ ԳԵՐԱՋԱՆՑՈՒՄ Է «ԱԶԳԱՅԻՆ ՇԱՐԺՄԱՆԸ»

Ընթացիկ տարվա սեպտեմբերի 14-ից մինչև հոկտեմբերի 14-ը, միջազգային հանրապետական ինստիտուտի (IRI) հետազոտական կենտրոնի անունից Մերձբալթիկայի հետազոտությունների եւ Գելապի կազմակերպության ներկայացուցիչ, դոկտոր Ռասա Ալիշաուսկիենսի կողմից անցկացվեց հարցում: Հարցմանը գերադասությունը տվեց ծայրի իրավունք ունեցող եւ տարբեր տարիքի 1200 անձ: Հարցման ենթարկվածները բաժանվեցին խմբերի՝ ըստ տարիքի, սեռի, տարածաշրջանի եւ բնակության գոտու: Հարցման սխալի հավանականությունը +/-2,5 տոկոս:

Հետազոտությունն անց է կացվել ամերիկյան ժողովրդի աջակցությամբ, ԱՄՆ միջազգային զարգացման գործակալության կողմից:

ՎՍՏԱՀՈՒԹՅԱՆ ԱՌՈՒՄՈՎ «ՎՐԱՑԱԿԱՆ ԵՐԱՋԱՆՔԸ» ԱՌԱՋԻՆ Է

Միջազգային հանրապետական ինստիտուտի կողմից անցկացված հարցման ընթացքում ի պատասխան, եթե վաղը անցկացվեն խորհրդարանական ընտրություններ, ո՞ւմ օգուտ կը վերաբերի հարցին՝ հարցման ենթարկվածների 25 տոկոսը գերակայությունը հանձնեց «Վրացական երազանքին», 13 տոկոսը՝ «Երազանքից» կրկնակի պակաս, «Միասնական ազգային շարժմանը»:

Ինչ վերաբերում է մյուս կուսակցություններին, ապա հարցման արդյունքներով, ոչ մեկը չի հաղթահարում ընտրական 5 տոկոսի շեմը, թեպետ այդ շեմին բավականին մոտենում են «Վրաստանի համար» (4 տոկոս), «Ռազմավարությունը՝ Աղմաշենբեկի» (3 տոկոս) կուսակցությունները:

40 ՏՈԿՈՍԸ ՈՉ ՄԻ ԴԵՊՈՒՄ ԶԻ ՔԵԿԵՐԿԻ «ԱԶԳԱՅԻՆ ՇԱՐԺՄԱՆ» ՕԳՏԻՆ

IRI-ի կողմից անցկացված հարցումը ցույց տվեց, որ հարցման ենթարկվածների 40 տոկոսը կտրականապես դեմ է «Միասնական ազգային շարժմանը» եւ ոչ մի դեպքում չի քվեարկի այդ կուսակցության օգտին: Հարցման ենթարկվածների 29 տոկոսը նման դիրքորոշում ունի «Վրացական երազանքի» նկատմամբ, 18 տոկոսը՝ «Գիրչի եւ դրոա», 16 տոկոսը՝ «Գիրչի», 13 տոկոսը՝ «Եվրոպական Վրաստանի» դեմ:

ԵՎՐԱՄԻՈՒԹՅԱՆ ԵՎ ՆԱՏՕ-Ի ԱՆԴԱՄԱԿՑՈՒԹՅՈՒՆԸ ԳԵՐԱԿԱՅԵԼԻ Է

Միջազգային հանրապետական ինստիտուտի կողմից անցկացված հարցման արդյունքներով, հարցման ենթարկվածների 86 տոկոսը պաշտպանել է Եվրամիության անդամակցության միտումը, իսկ 79 տոկոսը՝ կողմնակից է Հյուսիսատլանտյան պայմանագրի Վրաստանի անդամակցությանը:

Միաժամանակ նշենք, որ Եվրամիության անդամակցության կողմնակիցների 17 տոկոսը գտնում է, որ, եթե Ռուսաստանը Վրաստանի հետ խզի առևտրատնտեսական հարաբերությունները, ապա իրենք դեմ կլինեն վերոնշյալ անդամակցությանը: 45 տոկոսի կարծիքով, Եվրամիության անդամակցության գլխավոր շարժառիթը տնտեսական հզորացումն է, 14 տոկոսի համար՝ անվտանգությունը, 14 տոկոսի համար՝ երկրի տարածքային միասնությունը, իսկ 8 տոկոսի համար՝ նշանակալիցը՝ լավագույն ապագան է:

Եվրամիության անդամակցության համար գլխավոր խոչընդոտը, 27 տոկոսի կարծիքով, Վրաստանում քաղաքական անկայունությունն է, 17 տոկոսի համար՝ ներքին դիմակայությունը, 6 տոկոսի համար՝ Ռուսաստանի դիրքորոշումը:

Ինչ վերաբերում է ՆԱՏՕ-ի անդամակցությանը, ապա հարցման ենթարկվածների 47 տոկոսի համար՝ անվտանգության երաշխիքն է:



ՌՈՒՄԱՍՏԱՆԻ ՔԱՂԱՔԱՑԻՆԵՐԻ ՀԱՄԱՐ ԱՆԱՅՑԵՐԱՅԻՆ ՊԱՅՄԱՆԱԿԱՐԸ ՊԵՏՔ Է ՊԱՅՄԱՆԱԿԻ

IRI-ի կողմից անցկացված հարցման արդյունքներով, հարցման ենթարկվածների 73 տոկոսը կողմնակից է Ռուսաստանի քաղաքացիների համար անայցեգրային պայմանակարգի, բիզնես գրանցման եւ ունեցվածքի ձեռքբերման իրավունքների պահպանմանը:

Նշենք, որ նախորդ տարվա սեպտեմբերին անցկացված հարցման արդյունքներով, վերոնշյալ դիրքորոշման օգտին է արտահայտվել հարցման ենթարկվածների 78 տոկոսը:

ՎՐԱՍՏԱՆԻ ՀԱՄԱՐ ԳԼԽԱՎՈՐ ՄՊԱՆԱԽՔԸ ՌՈՒՄԱՍՏԱՆԻ Է

Չնայած Ռուսաստանի քաղաքացիների նկատմամբ դրական վերաբերմունքի, Վրաստանի քաղաքացիների 77 տոկոսը միջազգային հանրապետական ինստիտուտի հարցման համաձայն, շարունակում է Վրաստանի համար գլխավոր սպառնալիք համարել Ռուսաստանին:

ԳԼԽԱՎՈՐ ՀԻՄՆԱԽՆԴԻՐԸ ԳՈՐԾԱԶՐԿՈՒԹՅՈՒՆ Է

Միջազգային հանրապետական ինստիտուտի անցկացրած հարցման արդյունքներով, մեծամասնությունը երկրի առջև ծառացած ամենագլխավոր հիմնախնդիրը համարում է գործազրկությունը, գնաճը, տնտեսական մյուս հիմնախնդիրները:

Ծառացած մարտահրավերներից են նաև աղքատությունը, կրթության անբավարար մակարդակը, քաղաքական բեռնացումը, արտաքին հակամարտությունների, պատերազմի ազդեցությունը եւ այլն:

ԱՄԵՆԱԿԱՐԵՎՈՐ ՔԱՂԱՔԱԿԱՆ ԵՎ ՏՆՏԵՍԱԿԱՆ ԳՈՐԾԸՆԿԵՐՆԵՐԸ ԵՎՐԱՄԻՈՒԹՅՈՒՆ ՈՒ ԱՄՆ-Ն ԵՆ

Միջազգային հանրապետական ինստիտուտի հարցման արդյունքներով, Վրաստանի քաղաքացիների մեծամասնությունը երկրի քաղաքական եւ տնտեսական գլխավոր գործընկեր է համարում Եվրամիությանն ու ԱՄՆ-ին: Եվրամիության հարցում նման դիրքորոշում ունի հարցման ենթարկվածների 51 տոկոսը, իսկ ԱՄՆ-ի հարցում՝ 32 տոկոսը:

Հարցման արդյունքներով, 19 տոկոսի համար հուսալի գործընկեր է Ադրբեյջանը, 17 տոկոսի համար՝ Ուկրաինան, 16 տոկոսի համար՝ Թուրքիան եւ 9 տոկոսի համար՝ Հայաստանը, Ռուսաստանը, Սեբ Բրիտանիան:

ՆԱՅԱՍՏԱՆ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

2024 ԹՎԱԿԱՆԻ ՊԵՏԱԿԱՆ ԲՅՈՒՋԵՆ ՊԱՏՄԱԿԱՆ Է. 2018-Ի ՀԱՄԵՄԱՏ, ԵԿԱՄՏԱՅԻՆ ՄԱՍԸ ԱՎԵԼԱՑԵԼ Է 3 ՄԻԼԻԱՐԴ ՊՈԼԱՐՈՎ

Նոյեմբերի 16-ին Հայաստանի վարչապետ Նիկոլ Փաշինյանը, Ազգային ժողովում ներկայացնելով 2024 թվականի պետական բյուջեի նախագիծը, հայտարարեց, որ բյուջեն պատմական է, քանի որ 2024 թվականի պետական բյուջեի եկամտային մասը, 2018 թվականի համեմատ, ավելի քան կրկնապատկվում է՝ ավելանալով 1 տրիլիոն 334 միլիարդ դրամով կամ շուրջ 3 միլիարդ դոլարով: Կրկնապատկվում է նաև բյուջեի ծախսային մասը:

- Սա պատմական ժամանակների պատմական բյուջե է: Ինչո՞ւ է բյուջեն պատմական: Շատ կոնկրետ պատճառով: Բյուջեի եկամտային մասը, 2018 թվականի համեմատ, ավելի քան կրկնապատկվում է՝ ավելանալով 1 տրիլիոն 334 միլիարդ դրամով կամ շուրջ 3 միլիարդ դոլարով: Ավելի քան կրկնապատկվում է բյուջեի ծախսային մասը,- ընդգծեց Նիկոլ Փաշինյանը:

ԻՆՉՈ՞Ւ ՀԱՅԱՍՏԱՆԻ ՎԱՐՉԱՊԵՏԸ ԶԻ ՄԱՍՆԱԿՑԻ ՄԻՆԱԿՈՒՄ ՀԱՊԿ-Ի ԽՈՐՀՐԴԻ ՆԻՍՏԻՆ

Բելառուսական կողմի նախաձեռնությամբ, տեղի է ունեցել վարչապետ Նիկոլ Փաշինյանի հեռախոսազրույցը Բելառուսի նախագահ Ալեքսանդր Լուկաշենկոյի հետ: Նիկոլ Փաշինյանը Բելառուսի նախագահին տեղեկացրել է, որ չի կարողանա մասնակցել ՀԱՊԿ Հավաքական անվտանգության խորհրդի՝ նոյեմբերի 23-ին Բելառուսի մայրաքաղաք Մինսկում կայանալիք նիստին եւ հույս է հայտնել, որ ՀԱՊԿ գործընկերներն ըմբռնվում կվերաբերվեն այդ որոշմանը:

Նոյեմբերի 15-ին Հայաստանի Ազգային ժողովում երկրի վարչապետ Նիկոլ Փաշինյանը, անդրադառնալով ՀԱՊԿ խորհրդի հերթական նիստի աշխատանքին մասնակցությունից հրաժարման հարցին, հայտարարել է, որ ՀԱՊԿ-ն իր ունեցած դե-յուրե պարտադիր պարտավորություններին պատշաճ արձագանք չի տվել Հայաստանի անվտանգային մարտահրավերներին, եւ դա կրկնվել է մի քանի անգամ:

- Մենք, ամենայն հարգանքով վերաբերվելով մեր բոլոր գործընկերներին, ուղղակի արձանագրում ենք, որ մեր հանրության համար նույնպես հասկանալի չէ, թե ինչու ենք ամեն անգամ մասնակցում, նույնը կրկնում, նույնը ասում՝ չստանալով ոչ մի արձագանք, թողնում ենք ու հետ վերադառնում:

Սա կարող է նշանակել, որ մենք այդ պայմաններում, ուղղակի լուռ մասնակցելով, կարող ենք միանալ այն տրամաբանությանը, որը կասկածի տակ կղմի Հայաստանի տարածքային ամբողջականությունն ու ինքնիշխանությունը: Մենք մեզ նման բան թույլ տալ չենք կարող այն առումով, որ նաև այսպիսի որոշումներ ենք կայացնում, որպեսզի մեզ եւ ՀԱՊԿ-ին մտածելու ժամանակ տանք հետագա անելիքների մասին,- Եվել է Նիկոլ Փաշինյանն ու հավելել, թե Հայաստանը չի հրաժարվել, որ ՀԱՊԿ-ը առաքելություն ուղարկի, այլ ցանկացել է, որպեսզի ՀԱՊԿ-ը առաքելությունը ուղարկելուց առաջ հստակ արձանագրի Հայաստանի տարածքային ամբողջականությունը:



- Մենք փնտրում ենք այլ անվտանգային գործընկերներ: Եվ մենք փնտրում ու գտնում ենք այլ անվտանգային գործընկերներին, փորձում կնքել պայմանագրեր, ձեռք բերել ինչ-որ սպառազինություն, ռազմական տեխնիկա: Դա է մեր քաղաքականությունը: Իսկ ռազմավարական առումով, մեր քաղաքականության փոփոխության մասին չենք պատրաստվում հայտարարել, քանի դեռ չենք որոշել լքել ՀԱՊԿ-ը,- եզրափակել է Նիկոլ Փաշինյանը:

ՀԱՅԱՍՏԱՆԸ ԿՄԻԱՆԱ «ՍԵՎԾՈՎՅԱՆ ԷԼԵԿՏՐԱԿԱՆ ՄԱԼՈՒԽ» ՆԱԽԱԳԾԻՆ

Նոյեմբերի 15-ին Հայաստանի արտաքին գործերի նախարար Արարատ Միրզոյանը Բրյուսելում հանդիպում ունեցավ եվրամիության հարեւանության եւ ընդլայնման հարցերով հանձնակատար Օլիվեր Վարհեի հետ:

Հանդիպմանը քննարկվեցին Հայաստան-Եվրամիություն գործընկերության ընդգրկումն օրակարգի հարցեր, մտքեր փոխանակեցին առկա երկխոսության եւ փոխադարձ հետաքրքրությունները ներկայացնող ոլորտներում համագործակցության ընդլայնման հնարավորությունների շուրջ:

Հայաստան-Եվրամիության միջեւ առեւտրատնտեսական հարաբերությունների զարգացման նպատակով ընդգծվեց Եվրամիության տնտեսական եւ ներդրումային պլանի շրջանակներում Հայաստանի համար 2,6 միլիարդ եվրո արժույթային առաջատար նախաձեռնությունների արդյունավետ իրականացումը: Տարածաշրջանային ծրագրերի արդյունավետության ապահովման տեսանկյունից Արարատ Միր-

զոյանն ընդգծեց «Սեւծովյան Էլեկտրական մալուխ» նախագծին Հայաստանի մի ա ն ա լ ու նշանակությունը՝ Հայաստանի վարչապետի եւ Եվրոպական հանձնաժողովի նախագահի հոկտեմբերի համատեղ հայտարարությանը համահունչ:

Հայաստանի արտաքին գործերի նախարարը ներկայացրեց նաև «Խաղաղության խաչմերուկ» նախագիծը:



ԶՐՈՍԱՇՐՋԻԿՆԵՐԻ ԹԻՎՆ ԱՎԵԼԱՑԵԼ Է 48 ՏՈԿՈՍՈՎ

Ընթացիկ տարվա հունվար-սեպտեմբեր ամիսներին Հայաստան է այցելել 1 միլիոն 839 հազար 4 զբոսաշրջիկ, նախորդ տարվա նույն ժամանակահատվածի 1 մլն 239 հազար 394-ի փոխարեն:

Հայաստանի վիճակագրական կոմիտեի տվյալներով, զբոսաշրջիկների թիվը հաշվետու ժամանակահատվածում, նախորդ տարվա համեմատ, աճել է 48,4 տոկոսով:

Ըստ աշխարհագրության, 2023 թվականի 9 ամիսների ընթացքում Հայաս-

տան այցելած զբոսաշրջիկների թվով առաջին տեղում են ՌԴ-ից ժամանածները, որոնք կազմել են ընդհանուրի 50,7 տոկոսը (931 հազար 695 մարդ), ապա հաջորդում են Վրաստանից՝ 10,1 տոկոս (185 082 մարդ), Իրանից՝ 6,3 տոկոս (116 062 մարդ) այցելուները:

իրականացվել է հետախուզում. օդում վտանգավոր գազեր չեն հայտնաբերվել:

Ոստիկանության տվյալներով, ԵՊՀ-ի աշխատակիցներից մեկը զոհվել է տեղում, երեք անձ տեղափոխվել է հիվանդանոց, այդ թվում մեկը պարեկային ծառայության աշխատակից, որը ծխահարումով հոսպիտալացվել է: Նրա վիճակը գնահատվում է բավարար:

Հրդեհը մեկուսացվել է ժամը 10:11-ին, մարվել՝ ժամը 10:23-ին: Կոմպրետորային սեյսակում այրվել են կենցաղային իրեր եւ փայտյա կառուցատարրեր:

Դեպքի վայրում Հայաստանի քննչական կոմիտեի աշխատակիցներն իրականացնում են համապատասխան գործողություններ՝ պարզելու դեպքի հանգամանքները:

ՌԳՐՎ ԵՐԵՐՈՒՄ ՆԻԿՈԼ ՓԱՇԻՆՅԱՆԵ ԿՊԱՏԱՆԱՆԻ ՏԵՍԱԶԱՐՁԵՐԻՆ

Հայաստանի վարչապետ Նիկոլ Փաշինյանը նոյեմբերի 24-ին ժամը 12:00-ից ուղիղ եթերում կպարասխանի Հայաստանի քաղաքացիների եւ Սփյուռքի հայրենակիցների տեսահարցերին: Հայաստանի վարչապետի աշխատակազմը խնդրում է հարցերը տեսահարցորդության տեսքով ուղարկել նախապես՝ WhatsApp հավելվածի +374 44 900 800 հեռախոսահամարին, նոյեմբերի 17-23-ը ժամը 18:00-ն:

Տեսահարցորդության սկզբում անհրաժեշտ է նշել անունը, ազգանունը եւ բնակության վայրը, ցանկալի է նշել նաև զբաղմունքը եւ աշխատանքի վայրը: Վարչապետն ուղիղ եթերում կպարասխանի այն հարցերին, որոնք չեւակերպված են հակիրճ, կոռեկտ եւ հստակ: Հարցուկապարասխանը եթեր կհեռարկվի Հայաստանի հանրային հեռուստաընկերությամբ, վարչապետի ֆեյսբուքյան էջով եւ Կառավարության յուրօրյան պաշտոնական ալիքով:

IDFA-Ի ՂԱԽԱՎՈՐ ՄՐՅԱՆԱԿԸ ՀԱՅԱՍՏԱՆԻ ՏՐԵՐԻՆ

Վավերագրական կինոյի ամենահեղինակավոր կինոփառատոնում IDFA-ում, հայկական 1489 ֆիլմն արժանացել է «Լավագույն ֆիլմ» գլխավոր մրցանակին:



Ֆիլմն արժանացել է նաև FIPRESCI մրցանակի կինոքննադատների եւ կինոմամուլի մասնագիտական հեղինակավոր համաշխարհային ընկերակցության կողմից: Ֆիլմի հեղինակը Շողակաթ Վարդանյանն է:

ՀԱՅԱՍՏԱՆՈՒՄ ԱՎԵԼԱՆՈՒՄ ԵՆ ԿԱՐՏՐՈՒԴՈՎ ՎԱՐԱՄԱՆ ԳԵՂԵՐԸ

Հայաստանում կարմուկի լաբորատոր հաստատված դեպքերի թիվը մեկ շաբաթում ավելացել է 10-ով եւ հասել է 494-ի: Հայաստանի առողջապահության նախարարության հիվանդությունների վերահսկման եւ կանխարգելման ազգային կենտրոնի տվյալներով, այս շաբաթ հոսպիտալացվել է 4 քաղաքացի: 319 բուժառու արդեն դուրս է գրվել: Վարակվածներից 349-ը երեխաներ են, 142-ը՝ մեծահասակներ:

ՍԵՎՏԵՆ ԱՅՐ ՄԱՎԱՐԳԱՎՆ ՆՎԱԶՈՒՄ Է

Սեւանա լիճը, 2023 թվականի նոյեմբերի 1-ի դրությամբ, ծովի մակերեսույթից գտնվել է 1900 մետր 24 սանտիմետր բարձրության վրա: Նախորդ տարվա նոյեմբերի 1-ի համեմատ, Սեւանա լճի մակարդակը իջել է 14, իսկ այս տարվա հոկտեմբերի 1-ի համեմատ՝ 6 սմ-ով: 2023 թվականի մայիս-սեպտեմբեր ամիսներին ռոռզման նպատակներով Սեւանա լճից բաց է թողնվել 228 միլիոն 234 հազար խորանարդ մետր ջուր, իսկ նույն տարվա հունվար-հոկտեմբեր ամիսների ընթացքում Արփա-Սեւան թունելային ջրատարով Սեւանա լիճ է լցվել 99 միլիոն 935 հազար խոր.մ ջուր: Սեւանա լիճ թափվող գետերն այս պահին սակավաջուր են:

ԱՐԳԵԼՈՒՄ Է ԲՐԱԶԻԼԻԱՆԻ ԹԱՅՆԱՄԱՐ ՆԵՐՎՐՈՒՄԸ

Հոկտեմբերի 30-ից նոյեմբերի 3-ը ՍՍՏՍ սահմանային վերահսկողության արդյունքում, լաբորատոր անհամապատասխանության հիմքով, արգելվել է Բրազիլիայից Հայաստան ներմուծվող 48 792 կգ թռչնամիս լիստերիա (Listeria monocytogenes) ցուցանիշներով:

ԵԿԵՂԵՑԱԿԱՆ

ՆՈՅԵՄԲԵՐ

19.11.2023 Բարեկենդան՝ Հիմնական պահոց

21.11.2023 Տոն՝ երեքամյա Սուրբ Աստվածածնի տաճարի ընծայման

25.11.2023 Սուրբ Գրիգոր եւ Նիկո-ղայոս սքանչելագործ Հայրապետնե-րի եւ Սյուռնոն եպիսկոպոսի հիշատա-կության օր

ՈԼՈՐՏ

ԱՎԵԼԱՑԵԼ ԵՆ ՇԻՆԱՐԱՐԱԿԱՆ ԹՈՒՅԼՏՎՈՒԹՅՈՒՆՆԵՐԸ

Վրաստանի վիճակագրական ազգա-յին ծառայության տվյալներով, 2023 թվա-կանի հունվար-սեպտեմբեր ամիսներին Վրաստանում տրվել է 8 169 շինթույլտ-վություն (նախորդ տարվա համապա-տասխան ժամանակաշրջանի համեմատ՝ 1,1 տոկոսով ավելի):

Ըստ տեղեկության, 8169 շինթույլտ-վությունը ներառում է 6 363,1 հազար քառակուսի մետր տարածքով շենքերի եւ շինությունների կառուցման համար (18 տոկոսով ավելի, քան նախորդ տար-վա նույն ժամանակահատվածում): Շին-թույլտվությունների 73,5 տոկոսը ստաց-վել է երկրի 4 շրջաններից, այն է՝ Թբի-լիսիից իրականացվելիք շինարարական աշխատանքների 48,6 տոկոսը, Մցխե-թա-Մթիանների շրջանից՝ 9,4, Քվեմո Զաքարիայի շրջանից՝ 8,9, Իմերեթի շրջա-նից՝ 6,6 տոկոսը:

2023 թվականի հունվար-սեպտեմբեր ամիսներին շինթույլտվություններ են տր-վել բազմաֆունկցիոնալ բնակելի հա-մալիրների, առևտրի օբյեկտների, հյու-րանոցների, արդյունաբերական ձեռնար-կությունների, գյուղատնտեսական օբ-յեկտների եւ այլ շինությունների կառուց-ման համար:

ՄԱՅՐԱՔԱՐԱՔ

ԳԼԽԱՎՈՐ ՏՈՆԱԾԱՌԻ ԼՈՒՅՍԵՐԸ ԿՎԱՌՎԵՆ ՔՍԱՆ ՕՐԻՑ՝ ԴԵԿՏԵՄԲԵՐԻ 15-ԻՆ

Երեկ, լրագրողների հետ հանդիպմանը, Թբիլիսիի քաղաքապետ Կախա Կալաձեն հայտարարեց, որ մայրաքաղաքի Գլխավոր տոնածառի լույսերը կվառվեն դեկտեմբերի 15-ին:

- Թբիլիսին նոր Գլխավոր տոնածառով կդիմավորի 2024 թվականը: Հիշո՞ւմ եք, անցյալ տարի տոնածառի վրա հրավառու-թյուն էին նետել, եւ հրդեհ բռնկվեց: Հր-շեջները մարել էին հրդեհը, սակայն տո-նածառը վնասվել էր, եւ մենք ստիպված եղանք նոր տոնածառ գնել: Դեկտեմբերի 15-ին նախատեսվում ենք վառել երկրի Գլ-խավոր տոնածառի լույսերը: Կկայանա նաեւ համերգ, որի մասին կխոսենք քիչ ավելի ուշ,- ասաց Կախա Կալաձեն:

Բացի այդ, մինչեւ դեկտեմբերի 16-ը նա-

խատեսվում է ամանորյա գյուղի բացում:

- Ամանորյա գյուղը տեղակայվելու է Օր-բելիանու հրապարակում եւ Մայրենի լեզ-վի այգում, որտեղ մենք կարող ենք Ամա-նորի օրերին գալ երեխաների հետ: Կգործի համապատասխան տարածք տարբեր տարիքի մարդկանց համար: Ինչ վերաբե-րում է գալա համերգին, ապա դեկտեմբե-րի 31-ին բոլորին հյուրընկալելու ենք Հան-րապետության հրապարակում: Որ ժամին է վառվելու տոնածառը, ովքեր են մասնակ-ցելու համերգին, այս ամենի մասին հա-



րությանը կտեղեկացնենք քիչ ավելի ուշ, բայց խոստանում ենք, որ մեր քաղաքն այս տարի շատ գեղեցիկ է լինելու, եւ շատերը կվայելեն այն,- ասաց Կախա Կալաձեն:

ՄԻՄՈՆ ԿԻԼԱԶԵ

ՄԱՌՈՐՏ

ՖՈՒՏԲՈԼ. ՎՐԱՍՏԱՆ-ՇՈՏԼԱՆԴԻԱ՝ 2:2. ՀԱՄԱՌ ԴԱՅՔԱՐՈՒՄ ՀԱՂԱՑԱԿ ԶԳՐԱՆՎԵՅ

Եվրոպայի ֆուտբոլի առաջնության նախընտրական «Ա» խմբում հանդես եկող Վրաստանի հավաքականը սեփական հարկի տակ ընդունեց խմբի առաջատար Շոտլանդիայի հավաքակա-նին եւ համառ պայքարում կիսեց միավորները: Խաղն ավարտ-վեց 2:2 հաշվով:

Վերջին տուրից առաջ, Վրաստանի թիմը խմբում՝ 8 միա-վորով, զբաղեցնում է նախավերջին՝ 4-րդ տեղը: Վրաստանի հավաքականը խմբային եզրափակիչ հանդիպումը կանցկաց-նի նոյեմբերի 19-ին Իսպանիայում, տեղի ազգային հավաքա-կանի հետ:

Նշենք, որ ֆուտբոլի Եվրոպայի առաջնության որակավորման խմբային մրցաշարի արդյունքներով, Վրաստանի հավաքականը կորցրել է առաջնության եզրափակիչ փուլի ուղեգիր ստանալու հնավորությունը, չնայած, եթե թիմը Ազգերի լիգայի մրցաշարի «C» դիվիզիոնում հաղթող ճանաչվի, նա կստանա մայրցամաքի առաջնության եզրափակիչ անմիջական մասնակցության ուղեգիր: Ավելացնենք, որ, ներկա դրությամբ, Վրաստանի հավաքականը Ազգերի լիգայի «C» դիվիզիոնի մրցաշարում հասել է կիսաեզրափակիչ փուլ, սակայն մրցակիցը դեռեւս հայտնի չէ:

Ինչ վերաբերում է «D» խմբում հանդես եկող Հայաստանի հավաքականին, ապա հայ ֆուտբոլիստներն իրենց հերթական

հանդիպումը կանցկացնեն Երեւանում՝ նոյեմբերի 18-ին ընդու-նելով Ուելսի հավաքականին:

ՍԱՄԲՈ. ՍԱՄԲՈՅԻ ԱՇԽԱՐՀԻ ԱՌԱՅՆՈՒԹՅՈՒՆԸ ՄՈՏ ԷՐ ԻԳԵՍԼԱԿԱՆԻՆ

Նոյեմբերի 10-12-ը Երեւանում անցկացվեց սամբոյի աշխար-հի առաջնությունը, որին մասնակցեցին 65 երկրների մարզիկ-մարզուհիները, խաղարկվեց մեդալների 21 կոմպլեկտ:

Վրաստանի տղամարդկանց թիմը, իր ակտիվում գրանցելով մեկ արծաթե եւ բրոնզե մեդալ, թիմային հաշվարկում զբաղեց-րեց 6-րդ տեղը:

Առաջնությունում բավական հաջող ելույթ ունեցան հայ մար-զիկները, նրանք իրենց ակտիվում գրանցեցին տարբեր արժու-ղության 10 մեդալ:

Տղամարդկանց մրցաշարում Հայաստանի հավաքականը 4 մեդալով (2 արծաթ, 1 բրոնզ) զբաղեցրեց 4-րդ տեղը, կանանց մրցաշարում՝ 1 բրոնզով՝ 8-րդ հորիզոնականը:

Մարտական սամբոյի մրցաշարում Հայաստանի հավաքակա-նի ակտիվում 2 արծաթե եւ 3 բրոնզե մեդալներով թիմային հաշ-վարկում զբաղեցրեց 3-րդ տեղը:

Ինչ վերաբերում է ընդհանուր թիմային հաշվարկին, ապա Հայաստանի թիմը՝ 10 մեդալով, զբաղեցրեց 9-րդ հորիզոնակա-նը, իսկ Վրաստանը, երկու մեդալով՝ 11-րդ տեղը:

1		2		3		4		5		6	7		8
									9				
				10	11								
		12	13						14			15	
16	17					18		19			20		
	21					22				23			
	24									25			
26						27				28			29
					30							31	
32										33	34		
		35			36	37		38					
				39			40			41			
42						43				44			
					45				46	47		48	
				49									
			50				51	52			53		
		54									55		
56									57				

ԽԱՂԱՉԱՔԱՆԻ ԶՈՐԻՉՈՆԱԿԱՆ

ՀՈՐԻՉՈՆԱԿԱՆ. 1.Ամենայն Հայոց կաթողիկոս (1843-1857), Թիֆլիսի Ներսիսյան դպրոցի հիմ-նադիրը: 6.Բագրատունի թագավոր: 10.Կովերի ..., խխունջների ...: 12.Փխրահացիկ, բարակ, չոր թխ-վածքաբլիթ: 14.Նոյի որդիներից: 16.Հացահատիկ կամ այլ հատիկներ աղալու հարմարանք, երկանք: 19.Գիշերային թռչուն: 20.Բանջարանոցի գետը: 21.Հայ աշխարհահռչակ կոմպոզիտոր Առնո Բա-բաջանյանի որդին: 22.Արմեն Տիգրանյանի օպե-րաներից: 23.Դերձակի գործը: 24.Ռ-ի արեւմտ-յան հատվածը: 26.Միավորված ազգերի կազմա-կերպություն (Սեռ. հոլ.): 27.Լեւոն Շանթի գրական հերոսուհի: 28.Ռուս հայտնի երգչուհի ... Պուգա-չովա: 31.Հարցական դերանուն: 33.Գանայի մայ-րաքաղաքը: 36.Մաշտոցյան այբուբենի զինվոր: 38.Ե.Չարենցի «Երկիր ...» վեպը: 39.Սեր ... ու ապա-գան: 41.«Ես ... անուշ Հայաստանի արեւահամ բարն եմ սիրում» (Ե.Չարենց): 42.Գալիք, եկող ժա-մանակ: 43....աչ, ...ացի, ...այք: 44.Ընտանի կենդա-նի: 45.Փակելու միջոց, հարմարանք: 47.Եվրասի-ական տնտեսական միություն: 49.Ռեժիսոր Վա-սիլի Պիլյուկի ֆիլմը «Փոքրիկ ...»: 50.Վարազդատ թագավորի խորհրդատուն ... Սահառունի: 51.Խոշ-որ քաղաք Ֆրանսիայում: 54.Խնձորով հայտնի քաղաք Արեւմտյան Հայաստանում: 55.Վրաց գրող, հասարակական եւ եկեղեցական գործիչ Սուլիսան ... Օրբելիանի: 56.Ուղտերի ընտանիքին պատկա-

նող կենդանի, ուղտայծ: 57.Փոքրիկ թռչուն:

ՈՐԿՈՆԱԿԱՆ. 1.Կուսակոմ թախան: 2.Հայտ-նի գյուղ Արեւմտյան Հայաստանի Բիթլիսի նա-հանգում, այժմ՝ Արմավիրի մարզում: 3.Հայ մեծ վիպասան, բազմաթիվ վեպերի հեղինակ: 4.... մե-քենա: 5.Մինչեւ մահը: 7.Կնգուղավոր բույս: 8.Բազ-մալար երաժշտական գործիք: 9.Արշակ թագավո-րի աքսորավայր բերդը: 11.Մուտք ու ...: 13.Սուր-ճի տեսակ: 15.Ձիմկորական պանթեոն Երեւանում, ուր հանգչում են մեր անմահ զինվորները: 17.Մա-գործ (բրբ.): 18.Վանական համալիր Վրաստանում Դավիթ ...: 19.«Առջնների մեջ քնած բզեզին աշ-խարհը ճոճք էր թվում, ծիրանագույն ...» (Ա.Բա-կունց): 25.Վրաց մեծ գրող: 29.Ուրարտական թա-գավոր: 30.Իսպանացի դրամատուրգ, բանաստեղծ ... դե Վեգա: 32.Զարծված, շատ մաքուր: 34.Գի-տության ոլորտ: 35.Մետրոյի կայարան Թբիլիսի-ում: 37.... ու կարճ: 38.Դաղձ, անանուխ: 39.Անձ-նական դերանուն: 40.Գյուղ Վրաստանի Կախեթի-ի տարածաշրջանում: 45.Սեղվի «բնակարան»: 46.Նար-Դոսի օպերային երգիչ որդին: 48.Ճահճա-գագ, հանքագագ: 49.«Լավ ու ... օրեր դեռ շատ կտեսնենք» (Դ.Դեմիրճյան): 50.Պատի լամպ: 52.«Ցուրտը տարավ ... ու ձեռ» («Ճպուղն ու մրջ-յունը»): 53.Ծառի բնից աճած խոշոր կողային ճյուղ:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ. 4.Ստալին: 8.Սուվորով: 9.Անվանի: 10.Ալարկոտ: 14.Ակնամոն: 15.Միդի: 17.Բերեռ: 18.Երմանկել: 22.Դարա: 23.Ողիսես: 26.Կիսո: 27.Փոխանակում: 32.Սթիվի: 33.Աջիկա: 35.Լոկ: 36.Դար-պասապահ: 41.Առակ: 42.Լիֆ: 44.Հաստատ: 45.Կարինե: 46.Ավան: 47.Լուս: 48.Անմայր: 49.Սաղիստ: **ՈՐԿՈՆԱԿԱՆ.** 1.Դուկլա: 2.Կուտրն: 3.Սուրմ: 5.Տանձ: 6.Լրագիր: 7.Նախիրտ: 11.Ակորդ: 12.Կապար: 13.Տոլե: 15.Սեկիկ: 16.Դեռես: 18.Ճամփորդ: 19.Մախաթ: 20.Կաքավ: 21.Լոմո: 24.Սիպիկ: 25.Սիխակ: 28.Խսիր: 29.Նիկա: 30.Կիթառ: 31.Մարականա: 34.Կոսիմուս: 37.Ատամն: 38.Պիտոն: 39.Սատար: 40.Պակաս: 42.Լիլի: 43.Ֆեստ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՐՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեսավորումը՝ ՏԻԳՐԱՆ ՍԻՐԱԴԵՂՅԱՆ

ԲՅՅՅՈ ՅՈՆԱՅՅՈՒՆ: ՄՁՈԼՈՆՈ 0105, ՃԱՄԲՈՅՈՆ ԺՅՅՈ 5.
Մեր հասցեն՝ Թբիլիսի 0105 Գ.Աթոնելի փ. 5
ԾՅՅՈ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՐԱՆԾԱՅՈ»
ՄՁՈԼՈՆՈ, ՆԱՅՅՈՒՆՅՈՒՆ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445